



# PRESIDÊNCIA DO CONSELHO DE MINISTROS

VIII GOVERNO CONSTITUCIONAL



Gabinete  
Porta-Voz

## Komunikadu Imprensa

### Sorumutuk Extraordinária Konsellu Ministrus iha loron-14 fulan-janeiru tinan 2019

Konsellu Ministrus reuni tiha iha Palácio Governu, iha Díli, no analiza tiha apresentasaun hosi Ministru Obras Públicas, Salvador Eugénio Soares dos Reis Pires, kona-ba oinsá fornese kombustível ba sentral elétrico sira hodi garante funcionamentu normal atu fornese enerjia elétrica iha rai-laran tomak. Governu sei kontinua avalia rekizitu técnico no legal sira no proposta ne'e sei lori fali mai hodi analiza iha reuniaun Konsellu Ministrus tuirmai.

Konsellu Ministrus aprova tiha proposta Rezolusaun Governu ne'ebé Primeiru-Ministru, Taur Matan Ruak, apresenta kona-ba kria Konsellu Interministerial ba Protesaun Sivil no Jestaun ba Dezastre Natural hanesan órgaun koordenaun nasionál hosi órgaun no servisu sira administrasaun pública nian hodi halo prevensaun ba risku kolektivu ne'ebé mai hosi situasaun tan asidente grave ka katástrofe, hodi bele hatun ninia efeito sira, proteje no ajuda ema no sasán bainhira mosu karik situasaun perigu ruma. Konsellu Interministerial ba Protesaun Sivil no Jestaun ba Dezastre Natural maka sei responsabiliza atu desenvolve no aprova Política Nasionál ba Protesaun Sivil nomós desenvolve diploma legal no regulamentu administrativu importante sira atu bele hala'o ninia funsaun. **REMATA**



Palácio do Governo,  
Avenida Presidente Nicolau Lobato,  
Díli, Timor-Leste